

Saksprotokoller VLFK

Saksprotokoll fylkestinget - 09./10.06.2020 - PS-50/2020

Terje Kollbotn (R) sette på vegner av R, FNB og Frp fram slikt forslag:
«Alternativ:

Vestland fylkesting vil vidareutvikle bokbåt-tilbodet til fjord- kyst- og øysamfunn i alle deler av fylket.»

Hilde Horpen (Sp) sette fram slikt forslag:
«Tillegg:

I punktet 3.: "og kommunale kulturprosjekt " slik at punktet lyder:

3. Fylkestinget vil prioritere tiltak med utjamnande effekt, mellom anna ved å etablere tilskotsordningar som støttar fornying av biblioteklokale, tilskot til interkommunale og kommunale kulturprosjekt og kompetanseheving i samarbeid med kommunane.»

Avrøysting

Kollbotn sitt forslag fekk 15 røyster (Frp, FNB, R, Pp) og fall.

Innstillinga punkt 1 og 2 vart vedteke mot 15 røyster (Frp, FNB, R, Pp).

Horpen sitt forslag vart vedteke mot 15 røyster (Frp, FNB, R, Pp).

Innstillinga punkt 3 vart samrøystes vedteke.

Vedtak

1. Vestland fylkeskommune sin bibliotekpolitikk har som føremål å støtte og utvikle regional infrastruktur og tenester, jamne ut forskjellar mellom biblioteka, og gje grunnlag for fagleg utvikling og gode nettverk i samarbeid med kommunane i heile fylket.
2. Vestland fylkeskommune avsluttar bokbåttjenesta etter vårsesongen 2020. For å utvikla mobile bibliotektenester i heile fylket, vert det etablert ei tilskotsordning til interkommunale og kommunale tiltak. Fylkestinget understrekar at ei slik ordning både skal kunna gje tilskot til tradisjonelle bibliotektenester og til tiltak som kan fungera som mobile kulturhus/møteplassar.
3. Fylkestinget vil prioritere tiltak med utjamnande effekt, mellom anna ved å etablere tilskotsordningar som støttar fornying av biblioteklokale, tilskot til interkommunale og kommunale kulturprosjekt og kompetanseheving i samarbeid med kommunane.

Terje Kollbotn (R) sette fram slikt forslag:

«Tillegg:

Etter at forprosjektet er gjennomført i 2021, vil Vestland fylkeskommune ta stilling til vidare støtte.»

Geir Kjell Andersland (V) sette fram slikt forslag:

«Alternativ:

Eingangstilskudd endres til tilskudd.»

Avrøysting

Fylkesrådmannen sitt forslag fekk 13 røyster mot 2 røyster (H) og vart vedteke som innstilling til fylkesutvalet.

Andersland sitt forslag fekk 12 røyster mot 3 røyster (H, PP) og vart vedteke som innstilling til fylkesutvalet.

Kollbotn sitt forslag fekk 9 røyster mot 6 røyster (H, MDG, Sp, PP) og vart vedteke som innstilling til fylkesutvalet.

Innstilling

Fylkesutvalet løyver eit tilskot på kr. 100 000,- til Strilabiblioteket i Alver kommune til forprosjektet «Vestlandet sitt flytande kulturhus» under føresetnad om løyving frå Stiftinga Fritt Ord. Midlane vert løyvde frå fylkesutvalet sin rådeveldekonto (kontostreng: 100110.149000).

Etter at forprosjektet er gjennomført i 2021, vil Vestland fylkeskommune ta stilling til vidare støtte

Saksprotokoll i fylkesutvalet - 26.11.2020 PS-248/2020

Aleksander Øren Heen (Sp) sette fram slikt forslag:

«Alternativ:

Fylkesutvalet syner til søknaden og avslår denne. Fylkesutvalet ber søkjar sikre lokalpolitisk forankring og ber ein nytte etablerte søknadsordningar innan kulturavdelinga.»

Avrøysting

Øren Heen sitt forslag vart vedteke mot 7 røyster (Frp, FNB, MDG og SV) for innstillinga, som fall.

Vedtak

Fylkesutvalet syner til søknaden og avslår denne. Fylkesutvalet ber søkjar sikre lokalpolitisk forankring og ber ein nytte etablerte søknadsordningar innan kulturavdelinga.